

Qalam

Majalah bulanan Melayu terbit tiap-tiap awal bulan Masihi.

Bilangan 24 - Syawal - Julai 1952 - \$1

Selamat Hari Raya dan Dua Tahun Qalam

Allahuakbar – Alhamdulillah dengan ini genaplah dua tahun

Terbitan majalah ini dan mulai bilangan yang akan datang
ia akan masuk kepada tahunnya yang ketiga. Alhamdulillah
di dalam masa dua tahun yang lalu kemajuannya adalah
disyukuri, yang lain tidak ialah oleh kerana mendapat
kegemaran dan pembuatan daripada pembaca-pembaca al-Mutahramin dan
fa’alan-fa’alannya serta wakil-wakil penjual sehingga dengannya
dapatlah ia subur hidup menghiasi alam persuratan
kita yang diasaskan kepada ajaran agama kita mulia.

Dengan hari yang berbahagia ini, pihak kita mengucapkan
setinggi-setinggi terima kasih kepada mereka yang tersebut dengan
berharap mudah mudahan kasih mesra dan sayang mereka
kepada majalah kita akan berpanjangan – amin.

* * *

Allahuakbar – di dalam gema takbir bergemuruh
menyebut hari yang mulia dan berbahagia ini marilah kita,
setelah mengucapkan *min al-aidil wal faizin al-maqbulin*,
di antara kita sesama kita, memikirkan dan menuangkan
kedudukan dan hal ehwal kita semenjak tahun
yang lalu, kita kaji dan kita perhati apa yang telah,
terjadi pada masa itu, dimenung dan difikirkan
mudah-mudahan daripadanya dapat kita manfaat dan dapat kita
akan menghalakan haluan kita pada masa-masa yang akan datang.

Allahuakbar – di telinga kita di dalam masa tahun yang
lampaui telah terdengung-terdengung suara merdeka yang diucapkan
oleh kita bersama dengan tujuan supaya kita merebut

kemerdekaan tanah air kita, kemerdekaan yang abadi, yang
jati dengan tidak luntur oleh sesuatu yang akan menghalangnya
ataupun daripada segala gula-gula yang boleh melekakan kita daripada
segala tujuan-tujuan kita yang sebenar, yang di dalamnya berkehendak
kepada pengorbanan untuk menyelenggarakan rumah tangga kita.

Sekali imbas erti merdeka itu tentulah akan
dipandang oleh sebahagian kita sebagai suatu bahagia atau
sebagai nikmat yang akan membawa kita kepada syurga kebahagiaan
yakni dengan tujuan bahwa dengan kemerdekaan itu nanti
hidup bahagia didapati kemahuan masing-masing umat akan sampai.

Allahuakbar – kemerdekaan yang sedemikian ini adalah
bermakna kemerdekaan menuntut kebahagiaan dan kalau ditilik
kepada keadaan dan kedudukan kita dengan orang-orang
yang sekeliling kita maka jadilah kemerdekaan itu sebagaimana
keadaan kita hidup di dalam rumah batu yang indah, di dalam
rumah orang yang baru bahagia yang di dalamnya penuh dengan perhiasan-perhiasan
lengkap dengan makanan-makanan cukup teratur dengan sempurna,
dengan faedah-faedah yang sangat indah dan mengikt pula kepada
cara kemahuan zaman.

Sesungguhnya indah nian rumah yang sebegini bahagia,
Rumah batu sebegini indah berhalaman dengan persefaragam
dengan unik warnanya yang dipandang oleh orang luar sebegini
indah dan molek tetapi kalau diperhati sudah tentu dengan
cara yang sedemikian, juga kita bandingkan keadaan dan
kedudukan kita fahamlah kita bahawa keindahan-keindahan itu hanya
disusun dan diatur oleh orang, segala yang indah-indah
itu kepunyaan orang sedang kita di dalam lingkungan itu
sebagai orang yang mendatang atau sebagai dif yang terima
dengan apa boleh buat dan ditolak tak mungkin.

Allahuakbar – adakah kemerdekaan yang dianjur dengan
tujuan itu yang kita tuntut? Adakah kita memaknakan
bahawa kemerdekaan itu erti kemewahan dan kebahagiaan
bagi sesbuah rumah yang besar? Dengan sesungguhnya yang demikian
itu bukanlah tujuan kehidupan yang mulia dan bahagia
oleh kerana keadaannya hanya berubah corak dan rupa
sedang hakikatnya sama iaitu keadaan dan peraturan rumah

itu diatur dan disusun oleh orang-orang lain, dengan kesukaan orang lain, dengan kemahuan orang lain–bukan diatur oleh kita, bukan mengikut kemahuan kita dan bukan untuk faedah kita.

Allahuakbar–kemuliaan dan syaraf kita tentu akan lebih senang kita hidup di dalam rumah kita yang buruk, di dalam teratak beratap nipah, berdinding nipah jika sekiranya segala sesuatu di dalam rumah kita itu, kita yang mengatur dan menyusun. Kita dapat menentukan apa yang kita boleh buat untuk faedah kita, bagaimana kita memperbaikinya yang tiris dengan daya upaya kita. Kita yang mengaturnya, kita yang menyusunnya, kita yang mempunyainya–sudah tentu hidupan di dalam rumah sedemikian ini lebih senang hati kita, lebih lega perasaan kita daripada kita diam di dalam rumah batu yang indah rupanya sedang yang menyusun dan menguasanya bukan daripada kita sendiri.

Allahuakbar; hidup di dalam rumah kita sendiri walau makan nasi dengan garam sehari sekalipun, kita masih senang dan walaupun keadaan sebegitu kucar kacir, fikiran kita masih lega dan kita merdeka dalam segala-galanya untuk menentukan hala dan segala cita-cita kita untuk kita dan kerana kita. Sekiranya kita tidak mendapat yang demikian itu, sekiranya kita berhajat semata-mata kepada kebendaan dan keindahan-keindahan disebuah rumah yang dikuasai oleh orang lain maka lebih baik kemerdekaan yang sedemikian itu jangan dicari atau lebih ringkas lebih senang bertuan yang dioleh sebab keadaannya saling tak tumpah sedang isinya itu, itu juga.

Berbahagialah kita hendaknya dapat memikirkan apa-apa yang tersebut di atas ini untuk perbandingan dan tamsil kedudukan kita pada masa yang akan datang, Kalau muh kemerdekaan, janganlah kemerdekaan itu bercorak memewahkan sebahagian yang kecil sedang menghempap kepada kehidupan yang terbesar. Kita mengetahui bahawa kita adalah sentiasa di dalam keadaan kekurangan baik di dalam apa-pun jua. Sama ada disengahaja atau tidak bahawa kehidupan kita itu menjadi lemah dan lumpuh oleh sebab tamak haloba kepada kebendaan dengan tidak sedikit pun memberi kenangan-kenangan

kepada budaya baik dan perbuatan kurang lebih kita.

Allahuakbar– satu sahaja yang dapat menyelamatkan kita pada masa hadapan ialah sekiranya dapat pertolongan yang dijanjikan untuk kita itu diberi untuk ditinggikan iktisad kita. Sekiranya pertolongan sebagai topeng jua maka kita binasa. Dengan kelemahan iktisad kita sebagaimana yang ada, anak-anak kita tidak disekolahkan di sekolah kita sendiri bahkan jiwa anak-anak kita ditekan dengan suatu kebiasaan tunduk menghormatkan kepada yang tinggi, jiwa mereka itu ditekan semata-mata atas mengabdi diri kepada orang lain. Selagi kemerdekaan jiwa yang sedemikian itu tidak tertanam kepada anak-anak kita, selagi kemerdekaan semangat itu maka belum ada erti kemerdekaan berfikir dan kebebasan-kebebasan fikiran merdeka ini kepada kita tidak lain dan tidak bukan lakin jua kemudiannya. Selagi jiwa dan ruh kita yang merdeka semenjak keluar daripada perut ibu kita tidak tertanam kepada semangat anak-anak kita, selagi kemerdekaan-kemerdekaan berfikir dan kebebasan-kebebasan fikiran yang diberi pertunjuk oleh Allah kepada kita tidak ditupukan ruhnya kepada anak-anak kita maka selama itulah tekanan jiwa anak-anak kita itu akan terkebawah dan sentiasa ditekan oleh orang lain–kita celaka.

Allahuakbar–wahai ikhwatul Muslimin mudah-mudahan di dalam kita menyambut Eidul Mubarak, di dalam kita menyambut hari berbahagia ini janganlah hendaknya habis hanya dengan bersuka ria tetapi insaallah, menungkanlah diri dan kedudukan kita. Fahamilah siapa kita dan di mana kedudukan kita. Fahamlah dan ingatlah bahawa Tuhan telah menjanji kepada kita menjadikan khalifah-Nya di bumi-Nya itu tetapi janji itu tidak didapati sekiranya kita tidak menunjukkan dan tidak mencarinya. Kalau kita mencarinya kita akan mendapat dan yakinlah kepada yang demikian ini. Mudah-mudahan Allah memberi taufik kepada kita. *Allahu akbar, Allahuakbar, Allahuakbar walillahilham.*